

將進酒

唐·李白

君不見黃河之水天上來奔流到
海不復還君不見高堂明鏡悲白
髮朝如青絲暮成雪人生得意須
盡歡莫使金樽空對月天生我材
必有用千金散盡還復來烹羊宰
牛且為樂會須一飲三百杯岑夫
子丹丘生將進酒杯莫停與君歌
一曲請君為我傾耳聽鐘鼓饌玉
不足貴但願長醉不願醒古來聖
賢皆寂寞唯有飲者留其名陳王
昔時宴平樂斗酒十斤恣歡譔主
人何為言少錢徑須沽取對君酌
五花馬千金裘呼兒將出換美酒
與爾同銷萬古愁。

歲次丙申年孟春

蔡榮林



書